





ARTICULUS VII.

Quot instantibus completa fuerit via Angelorum?

Cum Angelus sit supra tempus rerum corporalium, instantia diversa in his, quae ad Angelos pertinent, non accipiuntur nisi secundum successione in eorum actibus, ita ut tot sint instantia temporis Angelici, quot sunt eorum operationes diversae, sive secundum substantiam, sive secundum modum intrinsecum, non coexistentes, sed sibi succedentes; quia, si simul existerent quantumvis diversae, non constituerent tempus, de cuius ratione est prius & posterius, sed unico instanti mensurarentur. Unde etiam fieri potest, quod unum instans Angelicum correspondeat pluribus instantibus nostri temporis, si nempe eandem operationem aliquandiu continuet. Quæritur ergo, quot instantibus completa fuerit via Angelorum? est quæritur, quot actiones intrinsecè diversas successivè elicuerint a primo instanti suæ creationis usque ad terminum damnationis, vel glorificationis inclusive, id est comprehendendo etiam instans, in quo fuerunt vel damnati, vel glorificati. De via malorum Angelorum levis est difficultas, gravior de via bonorum Angelorum.

Dico 1. Via malorum Angelorum fuit completa tribus instantibus. Est communis contra Cajet. qui in eodem instanti reponit culpam, & poenam malorum Angelorum, meritum & præmium bonorum.

Prob. Tot sunt instantia in Angelis, quot sunt in eis operationes distinctæ sibi succedentes; atqui tribus operationibus distinctis sibi succedentibus mali Angeli compleverunt viam: 1. Meruerunt, sicut boni Angeli, per conversionem ad Deum. 2. Peccaverunt. 3. Poenam peccati contra voluntatem receperunt. Hanc autem ultimam operationem esse distinctam a secunda, & cum ea simul esse non posse, patet; quia nemo potest simul affici summa delectatione, & summa tristitia, neque esse simul in via, & extra viam; atqui Angelus in instanti peccati summa delectatione, & complacentia in sua perfectione afficiebatur, & erat in via; in instanti damnationis summa tristitia afficiebatur, & erat extra viam.

Circa viam bonorum Angelorum, ut dixi, major est difficultas, & contentio etiam inter Thomistas. Quidam volunt eam fuisse completam duobus tantum instantibus. Ita Bannes, Joannes a S. Thom. Sylvius, Serra, Contensonus. Alii tribus; ita Capreolus, Salmantic. Gonet, &c. Utraque sententia est probabilis, & habet fundamentum in D. Thom. utramque problematicè proponam; breviter tamen, nec enim video, quantæ sit utilitatis hæc quæstio, ut attentior discussionem mereatur. Igitur

Dico 2. Probabile est, viam bonorum Angelorum completam fuisse tribus instantibus.

Prob. 1. ex S. Thom. qui q. seq. 63. art. 6. ad 4. dicit, de Angelis, quod prima operatio fuit omnibus communis, sed in secunda sunt distincti, & idè in 1. instanti omnes fuerunt boni, sed in 2. fuerunt boni a malis distincti: ergo pro bonis sicut pro malis fuit duplex operatio, & duplex instans ante terminum. Respondent defensores oppositæ sententiæ, sensum horum verborum S. Thomæ esse, bonos esse distinctos a malis in secunda operatione & 2. instanti, quæ fuerunt in Angelis malis, non in bonis: sicut si diceremus brutum distingui ab homine per rationalitatem, quia ea caret, & solus homo ea gaudet.

Prob. 2. Conclusio ratione. In Angelis bonis non secus ac in malis tres fuerunt operationes distinctæ sibi succedentes usque ad terminum beatificationis inclusive: ergo tria instantia. Prob. Ant. 1. Fuit in ipsis in instanti creationis actus charitatis liber quoad exercitium, & quoad specificationem, communis bonis & malis. 2. Postea fuit actus charitatis perfectè liber quoad specificationem & quoad exercitium. 3. Tandem adeptio gloriæ.

Negant alii, secundum actum distingui a primo, & volunt esse primum continuatum; & in hoc sita est difficultas. Prob. Ergo esse actum a primo distinctum. 1. Quia in secundo actu erat iudicium practicum a primo distinctum: etenim in 1. instanti intellectus iudicabat, & imperabat propriam excellentiam beatitudinis naturalis esse amandam cum subiectione ad supernaturalem: in 2. instanti iudicabat esse sic amandam, non obstante tentatione Luciferi, & sequacium invitante ad oppositum; atqui hæc iudicia practica sunt distincta, tum quia versantur circa objecta distincta, tum quia ubi insurgit nova difficultas vincenda, requiritur novum, & speciale iudicium practicum, quo actio illa imperatur, & difficultas vincitur; ubi autem est distinctum iudicium practicum, est distinctus actus voluntatis, quippe qui sequitur ad iudicium practicum, a quo regulatur. Imò, quamvis iudicium istud novum non imperaret me-

vum actum voluntatis, sed tantum perseverantiam in eodem ut vult Contensonus (quod tamen negant huius præsentis sententiæ Patroni) nihilominus existimant, solam distinctionem in actibus intellectus sufficere ad distinctionem instantium in Angelis.

Prob. 3. Dato, hos actus esse invariatis secundum substantiam, variantur saltim secundum modos intrinsecos, & impossibiles, quod sufficit, ut constituent distincta instantia; siquidem instans Angelicum nihil sit aliud, quam una operatio invariabilis manens quoad intrinsecam: ergo. Prob. Ant. 1. primus actus fuit liber quoad exercitium tantum & necessarius quoad specificationem. Secundus fuit liber quoad specificationem, & exercitium; atqui necessitas & libertas sunt modi intrinseci actuum; non enim sunt denominationes extrinsecæ, & aliunde libertas in actu est quædam ratio vitalitatis: ergo.

Confr. Actus imperfectè meritorius, quem elicit Angelus in 1. instanti creationis, cum esset necessarius quoad specificationem, dirigebatur cognitione proponente objectum sub ratione boni tantum; actus autem perfectè meritorius, quem postea elicit, cum esset perfectè liber, tam quoad specificationem quam quoad exercitium, dirigebatur cognitione proponente objectum sub indifferentia; atqui hi duo actus intellectus, seu hæc duæ cognitiones dirigentes sunt impossibiles: ergo meritum inchoatum, & meritum perfectum in Angelis mensurantur duobus instantibus. Multiplicitas enim actuum ex parte intellectus, ut jam dictum est, sufficit ad multiplicanda instantia Angelica; non enim est ratio, cur actus voluntatis multiplicarent instantia Angelica, & non actus intellectus, maxime cum isti sint nobiliores & excellentiores illis. Hæc pro 1. sententia: nunc pro altera.

Dico 3. Probabile est, viam bonorum Angelorum oompletam fuisse duobus instantibus, uno quo meruerunt, altero quo glorificati sunt.

Prob. 1. ex D. Thom. S. Doctor hic art. 5. o. dicit: Undè relinquitur, quod statim post unum actum charitate informatum Angelus beatus fuit. Et si dicas, S. Doctorem loqui de actu charitatis completè libero & deliberato, qualis non fuit nisi in 2. instanti: contra est, quia S. Doctor q. 63. seq. art. 6. dicit, bonos Angelos fuisse beatos, non solum post primum actum, sed post primum instans: Cum Angeli, inquit, per unum actum meritorium ad beatitudinem perveniunt, si diabolus 1. instanti in gratia creatus meruisset, statim post primum instans beatitudinem accepisset, nisi statim impedimentum præstitisset peccando: ergo boni Angeli, qui impedimentum non præstiterunt peccando, post primum instans fuerunt beati.

Respondent primæ sententiæ Patroni, S. Thom. dicit, si diabolus in 1. instanti in gratia creatus meruisset, loqui de merito perfectè & plenè deliberato; cum certum sit ipsum meruisse, non secus ac bonos Angelos, merito imperfecto, & tantum merito perfectè concedatur gloria. Cum ergo subdit: Statim post primum instans beatitudinem accepisset, non intelligit de 1. instanti via Angelorum, sed de 1. instanti perfectæ libertatis, & perfecti meriti.

Prob. 2. Conclusio ratione. Actus charitatis, quem boni Angeli elicuerunt in 1. instanti creationis, idem perseveravit dum mali Angeli peccabant: ergo. Prob. Ant. Licet iste actus non esset 1. perfectè liber & deliberato, id tamen non erat ex defectu cognitionis, & advertentiæ ut in nobis, sed ex defectu prioris actus, quo Angelus seipsum moveret, & ex propria deliberatione procederet, quia in isto 1. actu a solo Deo specialitèr movente movebatur. Undè Angelus, semel in actu positus, ex quo seipsum movere, & de sequenti actu deliberare potuit, inde sui juris factus potuit eundem actum mutare & peccare, sed non mutaverit, quin potius in illo perseveravit, non obstante Angelorum tentatione. Sicut, si unus bonus Angelus impugnatus successivè a pluribus malis, a 1. fortitèr, ab aliis fortius, iudicaret persistendum esse in bono, primum non obstante forti impugnatione, deinde non obstante fortiori, tandem non obstante fortissima, quamvis fortè ibi intervenerent diversa iudicia practica, maneret tamen unus actus voluntatis perseverantis in proposito, nec essent plura instantia. Ita in nostro casu.

Quam voluerit sententiam, eligat lector, perinde est. Sed curiosius.

Quæritur, quandiu duraverit quolibet ex his duobus vel tribus instantibus, per correspondentiam ad nostrum tempus? R. 1. primum instans, in quo boni & mali Angeli imperfectè meruerunt, duravit unico instanti nostri temporis.

Colligitur (Hic q. 63. art. 6. o.) ex Auctore dicente, quod sit probabilis, & dictis Sanctorum magis consonum, quod statim post primum instans creationis diabolus peccaverit. Non dicit simpliciter, post primum instans, sed post primum instans creationis, ut significaret illud instans non correspondere temporis, sed instanti nostri temporis, sicut instans ipsis creationis, quæ fuit omnino instantanea & indivisibilis.

Ratio (Ibid. ad 3.) est; quia, cum post primum instans creationis, omnino indivisibile, Angelus potuerit peccare; si non peccasset, sed in amore inchoato perseverasset, aut perfectior emicisset, talis actus, vel perseverans, vel de novo elicitus, fuisset perfectè liber, & plenè meritorius, quatenus processisset a voluntate jam in actu, & potente se ex electione movere ad continuationem ejusdem actus, vel ad productionem alterius boni; quæ semel posita nunquam peccasset, quia hæc est conditio naturæ Angelicæ, ut post primum actum perfectè liberum, & ex propria motione elicitum, sit inflexibilis, ut dicam infra.

Si dicas 1. Genes. 1. dicitur, quod sexto die conditionis mundi vidit Deus cuncta, quæ fecerat, & erant valde bona: ergo tunc Angeli nondum peccaverant. 2. Ezech. 18. de Lucifero dicitur: Ambulasti peccatus in cunctis tuis a die conditionis tuæ, donec inventa est iniquitas in te; quæ verba indicant aliquam moram. R. ad 1. esse intelligendum de operibus Dei, quæ ibi proprio nomine a Deo creata referuntur, quales non erant Angeli; aut si ad illos extendas, dicendum est cuncta, quæ fecerat Deus,

esse bona, prout ab illo procedebant, sicut intelligitur illud Eccli. 39. Opera Domini universa valde bona. (Ibid. ad 1.) Ad 2. R. quod per motus corporales, qui per tempus mensurantur, quandoque in Scriptura intelliguntur metaphoricè motus spirituales instantanei, & sic per ambulacionem intelligitur motus libere arbitrii tendentis in bonum.

R. 2. ad quætionem. Secundum instans, in quo boni Angeli perfectè meruerunt, & mali peccaverunt, correspondet parti nostri temporis, quia in tempore nostro post intrans sequitur pars. Quamdiu autem istud tempus duraverit? Incertum est. Id solum constat, malos Angelos damnatos fuisse ante lapsum Adæ, siquidem unus ex ipsis, sub figura serpentis, Evam tentaverit.

R. 3. Instans, quo boni primò glorificati sunt, & mali damnati, coexistit instanti nostri temporis, quia actiones Dei non pendunt a tempore, sed sunt instantaneæ. Quantum verò ad permanentiam, utraque, tam glorificatio, quam damnatio, mensuratur æternitate participata.

DISSERTATIO V.

DE CULPA ANGELORUM.

D. Thom. Quæst. 63.

ARTICULUS I.

Utrum Angeli potuerint peccare, postquam dari creatura ex natura sua impeccabilis?

Dico 1. Fide certum est, Angelos potuisse peccare. (Hic quæst. 63. art. 1. o.)

Prob. (Ibid. in arg. s. c.) Fide certum est, Angelos reipsa peccasse: ergo. Prob. Ant. ex Script. Job 4. dicitur. In Angelis suis reperit pravitatem. 2. Petr. 2. Deus Angelis peccantibus non peperit. Matth. 25. Discedite a me malefacti in ignem æternum, qui paratus est Diabolo, & Angelis ejus. 1. Joann. 3. Qui facit peccatum, ex Diabolo est, quoniam ab initio peccat Diabolus, & alibi: ergo. Rationes proferuntur conclus. seq. sed

Petes, quomodo Angelus potuit peccare? Non enim peccavit ex errore, vel ignorantia; tum quia in eo error, aut ignorantia esse non potest; tum quia illa fuisset miser ante peccatum. Neque ex passione, quia passionis est expertus; neque ex pravo habitu, quia ante peccatum non præcesserunt mali actus, ex quibus acquireretur malus habitus; nec cum habitu a natura, quia fuit creatus perfectus. Quæ ergo via, qua rima peccatum in Angelorum mentes irripere potuit? Hæc difficultas est gravissima, & vix solubilis. Attamen

R. Angelus peccasse ex ignorantia, seu errore, non specialitèr, & strictè sumpto, pro assensu quo quis assentitur falso tantquam vero, vel pro iudicio speculativo, quo quis iudicat malum bonum; sed ex errore, seu ignorantia generalitèr sumpta pro actuali inconsideratione, qua quis non attendit, neque considerat practicè actum, quæ posset, & deberet considerare. Non ergo erravit Angelus iudicando aliquid bonum, quod bonum non est, sed non considerando bonum superius, ad quod bonum proprium erat referendum. Proposuit namque intellectus Angelicus voluntati propriam excellentiam ut bonam, & amandam, & in hoc non erat error; at non proposuit, ut poterat, & debebat, ut amandam cum subiectione ad divinam, & cum ordine ad Deum ut auctorem, & finem supernaturalem, in quo est defectus actualis considerationis practicæ, idè ignorantia, seu error, qui dicitur pravæ electionis: hæc autem excellentiam, sic propositam sine subiectione, & ordine ad Deum ut finem supernaturalem, dum amavit Angelus, peccavit.

Neque inde sequitur, quod assensus in petitione, aliquem defectum, seu ignorantiam fuisse in Angelo antequam peccaret, idè quod fuisse miserum ante peccatum: quia, cum ista inconsideratio esset interpretativè voluntaria, ut modo dicam, jam tunc peccabat Angelus, quoad regulam, quam considerare debebat, non considerabat practicè; unde ista consideratio non erat causa, sed pars peccati. Peccat enim creatura intellectualis inchoativè, dum non considerat, quæ potest, & debet considerare; & consummative, dum intellectu non considerante voluntas se applicat ad opus. Est autem, ut dixi, dum intellectus proponente interpretativè voluntaria, quatenus, dum intellectu proponente objectum sine debita attentione ad regulam, voluntas se applicat ad agendum, convinctur velle saltim interpretativè istam inconsiderationem, & sic est unum peccatum integratum ex illa inconsideratione indirectè, & interpretativè voluntaria, & ex Theol. Billuani. Pars Prima.